

ZAPISNIK

sa trinaeste redovne sjednice Upravnog odbora Univerziteta u Tuzli
održane u srijedu 20.07.2022. godine, sa početkom u 10,00 sati u Sali za sjednice Rektorata
Univerziteta u Tuzli

Na trinaestoj redovnoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Adela Mustafagić Šaldić, dr.sci. Franc Andrejaš, vanr.prof., dr.sci. Anita Petrović, vanr.prof. i Amra Šehić, student.

Sjednici nisu prisustvovali članovi: Amela Dedić i dr.sci. Kenan Mandžić, red.prof., koji su izostanak opravdali.

Osim članova Upravnog odbora sjednici su prisustvovali: Generalni sekretar Jasmina Berbić, dipl.pravnik i Šef službe za pravne, kadrovske i opšte poslove Šejla Fazlić, dipl. pravnik, te u svojstvu izvjestilaca po pojedinim tačkama dnevnog reda: Direktor za ekonomske poslove Husein Matović, dipl. ecc., Sekretar centra za sport Alan Alagić i Viši stručni saradnik u Uredu za nastavu i studentska pitanja, Mirela Biberović.

Sjednici su prisustvovali i Rešad Grbović, DTP operater i Ahmo Muhić, viši stručni saradnik.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovnikom o radu Upravnog odbora, te je otvorio trinaestu redovnu sjednicu Upravnog odbora.

Predložio je dopunu dnevnog reda na način da se kao tačka 5 razmotri - Upoznavanje sa Zaključkom Skupštine Tuzlanskog kantona broj: 01-02-451-4/22 od 15.07.2022. godine, te kao tačka 6. - Informacija o objavama i komentarima u elektronskim medijima u vezi odredbe Odluke o iznosu participacije i školarine ak.2022/23 koje se odnose na nadoknadu za elektronsko prijavljivanje ispita studentata.

Nakon usvajanja prijedloga za dopune dnevnog reda, za ovu sjednicu jednoglasno je usvojen sljedeći

DNEVNI RED:

1. Usvajanje Zapisnika sa 12. redovne, 8. vanredne elektronske i 9. vanredne elektronske sjednice Upravnog odbora Univerziteta u Tuzli
2. Razmatranje Prigovora [REDAKCIJA] iz Tuzle na Odluku o prijemu u radni odnos na neodređeno vrijeme broj:01-2527-1-VI-6/22 od 01.07.2022. godine
3. Razmatranje Prigovora [REDAKCIJA] iz Tuzle na Odluku o prijemu u radni odnos na neodređeno vrijeme broj:01-2527-1-V-6/22 od 04.07.2022. godine
4. Razmatranje prijedloga Direktora za ekonomske poslove u vezi usaglašavanja popisa osnovnih sredstava u kancelariji br.13 na Fakultetu elektrotehnike
5. Upoznavanje sa Zaključkom Skupštine Tuzlanskog kantona broj: 01-02-451-4/22 od 15.07.2022. godine
6. Informacija o objavama i komentarima u elektronskim medijima u vezi odredbe Odluke o iznosu participacije i školarine ak.2022/23 koje se odnose na nadoknadu za elektronsko prijavljivanje ispita studentata.

Rad na sjednici:

TAČKA 1.

Usvajanje Zapisnika sa 12. redovne, 8. vanredne elektronske i 9. vanredne elektronske sjednice Upravnog odbora Univerziteta u Tuzli

Bez primjedbi, zapisnici sa 12. redovne, 8. vanredne elektronske i 9. vanredne elektronske sjednice Upravnog odbora Univerziteta u Tuzli, jednoglasno su usvojeni.

TAČKA 2.

Razmatranje Prigovora [REDAKCIJA] iz Tuzle na Odluku o prijemu u radni odnos na neodređeno vrijeme broj:01-2527-1-VI-6/22 od 01.07.2022. godine

Alan Alagić, predsjednik Komisije za prethodnu provjeru radnih sposobnosti kandidata, upoznao je prisutne članove Upravnog odbora sa Izjašnjenjem Komisije o navodima iz prigovora kandidatkinje, te obrazložio način provođenja postupka prethodne provjere radnih sposobnosti kandidata. Potvrdio je navod Komisije u Izjašnjenju da o ostvarenom broju bodova na usmenom testu, Komisija nije obavijestila kandidate, ali da je saopštila kandidatima da će, nakon što Rektorica donese konačnu Odluku o izboru, biti pismenim putem obaviješteni o rezultatima Oglasa.

Nakon diskusije u kojoj je istaknuto da ne postoje precizan akt o postupanju Komisije u vidu Procedure za postupanje, Šef Službe za pravne, kadrovske i opšte poslove, Šejla Fazlić, dipl. pravnik na poziv redsjedavajućeg je upoznala članove Upravnog odbora da je procedura propisana Pravilnikom o radu Univerziteta u Tuzli (Drugi prečišćeni tekst) te obrazložila odredbu člana 27. Pravilnika i pročitala odredbe člana 29. istog. Generalni sekretar Univerziteta, Jasmina Berbić, dipl. pravnik posebno je naglasila svoje mišljenje da je Komisija bila dužna na odgovarajući način obavijestiti kandidate o broju ostvarenih bodova na usmenom ispitu odmah nakon završetka ispita, čime bi u cjelosti transparentno postupala.

Nakon provedene diskusije u kojoj je istaknuto da postupak izbora kandidata nije proveden u cjelosti u skladu sa članom 29. Pravilnika o radu Univerziteta u Tuzli (Drugi prečišćeni tekst), nakon čega je Upravni odbor jednoglasno donio

ODLUKU

I

Usvaja se prigovor [REDAKCIJA] broj: 04-3864/22 od 12.07.2022. godine, pa se poništava Odluka Rektorice Univerziteta u Tuzli broj: 01-2527-1-VI-6/22 od 01.07.2022. godine o prijemu [REDAKCIJA] u radni odnos na radno mjesto „Spremačica“ na neodređeno vrijeme po Javnom oglasu objavljenom u dnevnom listu „Dnevni avaz“ od 05.05.2022. godine i sva obavještenja učesnicima Oglasa dostavljena u vezi sa istom.

II

Poništava se Javni oglas o prijemu u radni odnos na neodređeno vrijeme objavljen u dnevnom listu „Dnevni avaz“ od 05.05.2022. godine, u dijelu koji se odnosi na radno mjesto „Soremačica“ – jedan izvršilac, uz probni rad od tri mjeseca, a isti će se ponovo raspisati po konačnosti ove Odluke.

III

Za realizaciju ove Odluke zadužuje se Rektorica Univerziteta u Tuzli.

IV

Ova Odluka je konačna.

O b r a z l o ž e n j e

[REDAKCIJA], blagovremeno je izjavila Prigovor broj: 04-3864/22 od 12.07.2022. godine na Odluku o prijemu u radni odnos broj: 01-2527-1-VI-6/22 od 01.07.2022. godine po Konkursu objavljenom u dnevnom listu „Dnevni avaz“ od 05.05.2022. godine za prijem jednog izvršioca u radni odnos na radno mjesto „Spremačica“.

Imenovana prigovara na način ocjenjivanja kandidata na usmenom ispitu, te ističe da je Komisija nije upisivala bodove odmah nakon davanja odgovora kao što je to bio slučaj ranije kada se prijavljivala na oglas za isto radno mjesto, te da joj nije poznato kako je Komisija naknadno upisivala bodove a bilo je više kandidata. Smatra da to ostavlja sumnju u naknadno upisivanje bodova i rangiranje kandidata kako to nekome odgovara.

Slijedom navoda istaknutih u Prigovoru, te ponovnim uvidom u cjelokupan spis po raspisanom Konkursu i Izjašnjenje Komisije za provođenje postupka, utvrđeno je sljedeće:

Članom 27. stav (3) Pravilnika o radu Univerziteta u Tuzli (Drugi prečišćeni tekst), propisano je da se postupak izbora kandidata za radna mjesta za koja je kao uslov propisano osnovno obrazovanje zasniva na razmatranju dostavljene dokumentacije i održanog usmenog ispita sa svakim od kandidata čije su prijave uredne, potpune i blagovremene.

Takođe, članom 29. stav (4) istog Pravilnika između ostalog propisano je da će nakon završetka svakog pojedinačnog ispita, u smislu člana 27. ovog Pravilnika, komisija izvršiti ocjenjivanje, dodjeljujući kandidatu odgovarajući broj bodova i isti saopštiti kandidatima.

Komisija je u Zapisniku o provođenju provjere radnih sposobnosti kandidata i Izjašnjenju o navodima iz Prigovora, obrazložila cijeli postupak izbora kandidata, uključujući i način ocjenjivanja kandidata na usmenom ispitu ali je potvrdila da rezultate usmenog ispita nije saopštila kandidatima neposredno nakon ispita, navodeći da je saopštila kandidatima da će, nakon što Rektorica donese konačnu Odluku o izboru, biti pismenim putem obaviješteni o rezultatima Oglasa.

Upravni odbor je zaključio da postupak izbora kandidata nije proveden u cjelosti u skladu sa članom 29. stav (4) Pravilnika o radu Univerziteta u Tuzli (Drugi prečišćeni tekst) jer kandidati nakon provedenog usmenog ispita nisu obaviješteni o ostvarenom broju bodova na istom.

Slijedom navedenog Upravni odbor je odlučio kao u dispozitivu ove Odluke na osnovu člana 35. stav (2) Pravilnika o radu Univerziteta u Tuzli (Drugi prečišćeni tekst).

Odluka je konačna u smislu člana 35. stav (4) Pravilnika o radu.

TAČKA 3.

Razmatranje Prigovora [REDAKCIJA] iz Tuzle na Odluku o prijemu u radni odnos na neodređeno vrijeme broj:01-2527-1-V-6/22 od 04.07.2022. godine

Alan Alagić, predsjednik Komisije za prethodnu provjeru radnih sposobnosti kandidata, upoznao je prisutne članove Upravnog odbora sa Izjašnjenjem Komisije o navodima iz prigovora kandidata, te obrazložio način provođenja postupka prethodne provjere radnih sposobnosti kandidata.

Nakon provedene diskusije, zaključeno je da Oglas nije u svemu raspisan u skladu sa Pravilnikom o unutrašnjoj organizaciji i sistematizaciji radnih mjesta Univerziteta u Tuzli (Drugi prečišćeni tekst), nakon čega je Upravni odbor je jednoglasno donio u

ODLUKU

I

Usvaja se prigovo [REDAKCIJA] broj: 04-3936-1/22 od 13.07.2022. godine, pa se poništava Odluka Rektorice Univerziteta u Tuzli broj: 01-2527-1-V-6/22 od 04.07.2022. godine o prijemu [REDAKCIJA] u radni odnos na radno mjesto „Portir“ na neodređeno vrijeme po Javnom oglasu objavljenom u dnevnom listu „Dnevni avaz“ od 05.05.2022. godine.

II

Poništava se Javni oglas o prijemu u radni odnos na neodređeno vrijeme objavljen u dnevnom listu „Dnevni avaz“ od 05.05.2022. godine, u dijelu koji se odnosi na radno mjesto „Portir“ – jedan izvršilac, uz probni rad od tri mjeseca, a isti će se ponovo raspisati po konačnosti ove Odluke.

III

Za realizaciju ove Odluke zadužuje se Rektorica Univerziteta u Tuzli.

IV

Ova Odluka je konačna.

O b r a z l o ž e n j e

[REDAKCIJA], blagovremeno je izjavio Prigovor broj: 04-3936-1/22 od 13.07.2022. godine na Odluku o prijemu u radni odnos broj: 01-2527-1-V-6/22 od 04.07.2022. godine po Oglasu objavljenom u dnevnom listu „Dnevni avaz“ od 05.05.2022. godine za prijem jednog izvršioca u radni odnos na radno mjesto „Portir“.

U prigovoru ističe da je Komisija odbacila njegovu prijavu jer nije dostavio dokaz o random iskustvu u struci. Nadalje navodi da Komisija nije prihvatila činjenicu da je kao čuvar radio na poslovima zaštite ljudi, imovine i objekata u više banaka, između ostalog i glavnog Trezora bivše Tuzlanske banke, kontrolu i evidentiranje trećih lica prilikom posjeta bankama i njihovim službenicima i dr.

Postavlja pitanje da li je za poslove portira važnije radno iskustvo lica koje je na poslovima čuvara 18 godina a posjeduje stručnu spremu KV-električar ili je važnije iskustvo lica sa trgovačkom, ugostiteljskom ili bilo kojom drugom školom bez iskustva na poslovima portira/čuvara?

Takođe, ističe da su u Pravilniku o unutrašnjoj organizaciji i sistematizaciji radnih mjesta Univerziteta u Tuzli (Drugi prečišćeni tekst), kao posebni uslovi za radno mjesto „Portir“ propisani: KV - svi smjerovi, sa šest mjeseci radnog iskustva, te da se u Oglasu, kako navodi, odstupilo od navedenog u Pravilniku i na kraju tog uslova dodalo, „u struci“.

Smatra da je prema nevedenom Prvailniku i na osnovu radnog iskustva od 11 godina sa KV stručnom spremom stekao uslov za pristupanje usmenom dijelu ispita o čemu je blagovremeno predočio Uvjerenje Kantonalne porezne uprave Tuzla i Potvrdu od strane zaštitarske agencije „Cobra security“ Tuzla.

Slijedom navoda istaknutih u Prigovoru, te ponovnim uvidom u cjelokupan spis po raspisanom Oglasu i Izjašnjenje Komisije za provođenje postupka izbora, utvrđeno je sljedeće:

Članom 26. Pravilnika o unutrašnjoj organizaciji i sistematizaciji radnih mjesta Univerziteta u Tuzli (Drugi prečišćeni tekst), u okviru Tehničke službe za radno mjesto „Portir“ kao posebni uslovi propisani su: KV - svi smjerovi, sa šest mjeseci radnog iskustva. Predmetnim Oglasom kao posebni uslovi treženi su: KV - završena srednja škola u trogodišnjem trajanju - svi smjerovi, sa šest mjeseci radnog iskustva u struci.

Upravni odbor je zaključio da je oglašavanje posebnog uslova u dijelu radnog iskustva sa naznakom da isto mora biti stečeno u struci, protivan Pravilniku o unutrašnjoj organizaciji i sistematizaciji radnih mjesta Univerziteta u Tuzli (Drugi prečišćeni tekst), te da je u tom smislu Prigovor osnovan, slijedom čega je i odlučio kao u dispozitivu ove Odluke na osnovu člana 35. stav (2) Pravilnika o radu Univerziteta u Tuzli (Drugi prečišćeni tekst).

Odluka je konačna u smislu člana 35. stav (4) Pravilnika o radu Univerziteta u Tuzli (Drugi prečišćeni tekst).

TAČKA 4.

Razmatranje prijedloga Direktora za ekonomske poslove u vezi usaglašavanja popisa osnovnih sredstava u kancelariji br.13 na Fakultetu elektrotehnike

Direktor za ekonomske poslove Husein Matović, dipl. ecc. Obavijestio je Upravni Odbor o razlozima zbog kojih je predložio formiranje nove Komisije u vezi sa pitanjem usaglašavanja popisa osnovnih sredstava u kancelariji br.13 na Fakultetu elektrotehnike.

Nakon provedene diskusije Upravni odbor je jednoglasno donio

Z A K L J U Č A K

I

Upravni Odbor Univerziteta u Tuzli u cjelosti ostaje kod svoga Zaključka broj: 04-3363-1-4/22 od 23.06.2022. godine.

II

Prijedlog Direktora za ekonomske poslove Univerziteta u Tuzli broj: 04-3363-1-4.1/22 od 08.07.2022. godine, odbija se kao neosnovan.

III

Zadužuje se Direktor za ekonomske poslove Univerziteta u Tuzli da do naredne redovne sjednice dostavi Upravnom odboru preciziran prijedlog dokumenta u skladu sa Zaključkom Upravnog odbora broj: 04-3363-1-4/22 od 23.06.2022. godine, o kojem bi Upravni odbor mogao konkretno postupati i odlučiti.

TAČKA 5.

Upoznavanje sa Zaključkom Skupštine Tuzlanskog kantona broj: 01-02-451-4/22 od 15.07.2022. godine
Predsjednik Upravnog odbora, prof. dr. sci. Semir Ahmetbegović je upoznao Upravni odbora sa Zaključkom Skupštine Tuzlanskog kantona broj: 01-02-451-4/22 od 15.07.2022. godine, a koji se odnosi na odgovarajuće beneficije studenat iz reda boračke populacije na oslobađanje od dijela troškova participacije i školarine u toku redovnog studiranja.

Upravni odbor je jednoglasno donio sljedeći

Z A K L J U Č A K

Zaključak Skupštine Tuzlanskog kantona broj: 01-02-451-4/22 od 15.07.2022. godine dostaviti će se Rektorici Univerziteta u Tuzli i Uredu za nastavu i studentska pitanja na dalje postupanje.

TAČKA 6

Informacija o objavama i komentarima u elektronskim medijima u vezi odredbe Odluke o iznosu participacije i školarine ak.2022/23 koje se odnose na nadoknadu za elektronsko prijavljivanje ispita studentata.

Predsjednik Upravnog odbora, prof. dr. sci. Semir Ahmetbegović je upoznao Upravni odbora sa određenim raspravama u vezi odredbe Odluke Upravnog odbora o visini participacije i školarine na sva tri coklusa studija u ak. 2022/23. godine, a koja se odnosi na naknadu koju plaćaju studenti za elektronsku prijavu ispita. U toku diskusije zaključeno je da je naknada u iznosu od 7,50 KM utvrđena za sve ispite i ispitne termine u toku cijele akademske godine, te da je iznos utvrđen uz prethodnu konsultaciju sa Studentskim parlamentom. Konstatovano je da je cijena realno utvrđena, te da nema bilo kakvih pismenih zahtjeva ovlaštenih lica za promjenu te naknade. Zaključeno je da se u tom smislu sastavi i objavi na web stranici odgovarajuće obavještenje.

Sjednica je zaključena u 12 sati i 30 minuta.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

PREDSJEDNIK
UPRAVNOG ODBORA

Broj: 04-4030-1/22
Tuzla, 20.07.2022.godine

dr.sci. Semir Ahmetbegović, vanr.prof.

